

Le dotur Eduard Agreiter é demez en jöbia y en vëndres, ai 16 y 17 de forá, y vëgn sostitui dala doturia Grete Mählknecht 349 06 67 034.

PLOANIES SAN MARTIN Y LUNGIARÜ

Chi che oress cumpré privatamënter le liber nü LALDUN LE SIGNUR, pó le cumpré te calonia vigni domënia do mëssa, por 20 euro.

SAN MARTIN

Ince ciamó en chësta sabeda y domënia, 11 y 12 de forá, periunse bel do osc contribut por scialdé la dlijia y la calonia ch'i podëis dé pro l'oferta tratan mëssa.
- Chi che ó pó ince paíe por banca IBAN IT 11 J 08010 58830 000304004922

LUNGIARÜ

I/Les Seniors/es da Lungiarü é bel inviá/des da gní a n domisdé de jüc (carté y tombola) tla Pizzeria Fornata en Domënia Grassa, ai 19 de forá, dales 14.30.

Consulënza dal Consultore familiar (Familienberatungsstelle) ince tl Raiun Sozial a Picolin ai 15 de forá y ai 15 de merz dales 16.00 inant tla 3^a alzada. La consulënza é ponsada por dotes les generaziuns te situaziuns desvalies. Stress, conflic de relaziun, dificultés söl laur, ambiënt sozial, familia o ince maratia á gonot debojëgn de na consulënza o de n aiüt. Family direkt pîta sön domanda consulënzes por telefon o ince consulënzes personales. Porsones cualificades se töl dlaurela (danter 30 y 45 menüc) por Os. La consulënza é debann. I termi pó gní tuc online sot a www.familydirekt.it o al 0471 1550900

La biblioteca Sas dla Crusc inviëia en mertesc ai 14 de forá, dales 15.00, tla biblioteca a San Martin a n domisdé cun stories, pastelné y jüc por mitans y mituns dla scora elementara.

Museum Ladin de Tor: I imparun da conësce le Carnescé Ladin y pastelnun mascheres por mitans/uns dla scora elementara en dedemesaledema, ai 15 de forá, dales 14.30-16.30, tl salamënt dles mostres dl museum. Cost: 5 euro porom, al plü 15 partezipanc - Iscriziun obligatora: info@museumladin.it



Al s'â maridé n manz y na sgneca. Dala noza mostrâ trami ca sù bi corgn y parò da diventé n per dër contënt. N de da jí a spazier fora por pastöra metò le manz man da ti fá les beles ales vaces che pascentâ dailó. Ala sgneca ti parentâra bëgn dassënn y ara ti â scaië ia a so om "Sëgn vëighi bëgn ite che te m'as ma maridé deach'i è pessizra de na ciasa!"

Dui iac dan na gabia: "Miau, tan bugn ch'ai foss chisc canarins!" – "Chisc n'é pó nia canarins, chi é pó ghei y no vërc!" – "Ai n'é mefo nia ciamó madüs!"

Le pice Lucas é jü a perde te na gran botëga. Cun de gran legremes damanel na boteghira "N'aste nia odü na mama zënza n möt, zënza n tal sciöche iö?"



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klstottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

12.02. - 19.02.23 n. 12

ultimo termo por comunicaziuns: jöbia, dales 20.00

6^a DOMËNIA IA POR L'ANN "A"

Vangele do Matí 5,17-37

Te chël tēmp á Geú dit: I ves diji: Sce osta iustizia n'é nia cotan maiù co chëra di studià dles scritöres y di farisës, ne rovarëise nia tl règn dl cil. I ëis aldì, ch'al ti é gnü dit ai vedli: Te ne desses nia copè; chël che copa zacai dess gnì sotmetü al iudize. Iö indere ves diji: Vignun, che se dessëna incé mâ cun so fre, dess gnì sotmetü al iudize....

Canche te portes tüa oferta sön altè y al te toma ite laprò, che to fre à val' cuntra tè, lascia tüa oferta dailò dan altè; va naôta a fà a öna cun to fre, spo vî a ofrì tüa scincunda....

I ëis aldì, ch'al ti é gnü dit ai vedli:

Te ne desses nia dè juramënt falz,

Iö indere ves diji:

Ne stede daldötzenia a dè juramënt,

Osc scê sides n scê, osc nou sides n nou;

döt l'ater vëgn dal mal.



Sce le vangele de chësta domënia vëgn lit deplëgn, éi bindebó lunch.

Gejú baia dles realtés dla vita. Ara ne se trata nia de na pordica morala, mo de afidabilité y credibilité, de sinzirité y verité.

Gonot n'él nia i gragn fai o defec che nes fej ria la vita a nos y ai atri, por le plü éi les tröpes inclinaziuns da vigni de ch'i un te nos sc'i ne sun nia daldöt sinziers y fedei, nia de parora y de crëta.

A chisc comportamënc pón ince ti dí „picé“, ai me despartësc da me y dai atri y dala vita.

Al n'é nia na noela comota ci che le vangele nes dij incö, mo impó na buna noela che me dëida vire.

Porchël ti sunse reconescënt a Gejú ch'al me scassa tres indô sô, incö cun l'invit: „Osc scê sides n scê, osc nou sides n nou!“

y chësc me dëida vire tla presënza de Dî coch'i oress ion vire. (image)

EDEMA	SAN MARTIN	LUNGIARÜ	Comënt ala pröma letöra da incö <i>Iesus Sirach 15,15-20</i> „Mangu yupo!“ é la parora ch’i á aldí le plü, cunta n miscionar che é sté dui agn tla Tansania. Ara ó dí „Idî é chiló!“ La jënt dailó n’é nia buna da s’imaginé l’ateism y da ponsé che Idî n’é nia. Por ëi é l sigü che Idî esist, ch’al é chiló y ciara de nos. Ince por i mituns é l sigü ch’al é n Chël Bel Dî y l’angel de Dî. An á l’impresciun che le sentiment religius dla jënt aldes pro so DNA, ch’ai l’á daite te süa natöra da pici insö. Pormó canch’ai impara bel plan a scora da ponsé razionalmënter y da se lascé deplü sön so ciorvel co sön so sentiment natural y süa intuiziun, pormó canch’ai arjunj n cer‘ bëgnester material y se sint deplëgn a ciasa tla vita sön chësta tera, mëti man da perde Chël Bel Dî y la fede te val’ plü alalt. Vignun é lëde, sc’al ó crëie y a ci ch’al ó crëie. Le tru da rové a Chël Bel Dî é davert por vignun, aldiunse incö fora dla Sacra Scritöra. Y sc’i un le cör davert podunse sintí che Idî é chiló. 
12.02.23 6ª DOMÈNIA ia por l'nn A	9.00 Corona (cun siur Degan) 9.30 Gran Mëssa por la comunité en onú de santa Maria da Lourdes + siur Angel Morlang (dl ann) dl ann + Maria Clara Verginer dl ann + Artur Conrater dl ann + Hans Pescoller + Clara Frenner Zingerle (dl ann) + Giovanni Flöss (dl ann)	7.50 Corona 8.15 Gran Mëssa por la comunité o Liturgia dla Parora	
13.02.23 Lönesc Adolf, Gisela			
14.02.23 Dedolönesc Valentin, Ziril y Metode	7.30 Mëssa (cun pater Franz Senfter) de rengr. por na familia + Mariangel Tavella + Iarone Rubatscher		
15.02.23 Dedemesaledema Siegfried, Faustin		7.30 Mëssa (pater Franz Senfter) + Franz Frenademez + Rita y Giovanni Clara	
16.02.23 Jöbia Iuliana, Filipa	degöna mëssa	19.00 Mëssa (siur Degan) dl ann + Pire Clara, Mair dl ann + Marino Clara, Ties + + Ida y Fonjo Pezzei + + Maria y Severino Zingerle	
17.02.23 Vëndres Fondadus di Servic, Marzel	18.30 Adoraziun chîta 19.00 Adoraziun deboriada		
18.02.23 Sabeda Scimun, Costanza	19.30 Mëssa prefestia (siur Klaus) de rengr. fam. Paul Pedevilla vis y def. fam. Martin Verginer dl ann + Maria Tavella Vanzi dl ann + Lena Costabiei Moling + Erna Frenner, Jënder + Angelina Vanzi Badissera	degöna mëssa	
19.02.23 7ª DOMÈNIA ia por l'nn A Domènia Grassa	9.00 Corona 9.30 Gran Mëssa por la comunité o Liturgia dla Parora	7.50 Corona 8.15 Gran Mëssa por la comunité o Liturgia dla Parora	